

大日本史

八十七

第二百十卷 將軍家臣列傳
 赤松則村
 第二百十一卷 將軍家臣列傳
 山名時氏 土岐賴遠
 第二百十二卷 將軍家臣列傳
 大友貞宗 少貳貞經 小田治
 久 結城親朝 伊達行朝 千
 葉貞胤 大内義弘 荻野朝忠


一	五	〇	冊
二	〇	二	函
二	〇	二	架
二	〇	二	號
二	〇	二	類

番號	和	20258
冊數	150	(87)
函號	138	105

三	〇	二	和
八	一	〇	書
函	五	二	
二	〇	五	
〇	〇	八	
架	冊	號	類

架冊〇五
六五曆和

史傳



大日本史卷之三百廿十

神皇正統記

淺草文庫

山越山劍一列傳第一百三十七

權中納言從三位源光圀修

男權中納言從三位綱條校



玄孫權中納言從三位治保重校

將軍家臣二十封封則孫首大志不志守

赤松則村子則祐資資貞貞範範則則林林風風崇崇輝輝

赤松則村初稱次郎赤松松系系圖圖父曰茂則赤松赤

系圖則具平親王之後也○按赤松系圖一正



五位、為左衛門佐、稱次。世居播磨、祖久範左

衛門尉始以赤松為氏。尊卑分脈。○按赤松

祖始稱赤松略譜曰八世祖侍從季房為播磨守、稱赤松、則村夙崇禪

教、雉髮號圓心。赤松性恢豁有大志、不欲事

出人下、元弘之亂、守則祐賣兵部卿護良親

王、今旨至、則村深以為榮、城本國佐用莊苔

繩山舉義、奔附者千餘人、乃出兵守杉坂山

里、以絕山陽山陰二道、三年春中國兵赴援

六波羅、則村使子貞範貞範據赤松系圖拒之舟坂

山、擒伊東惟羣等二十餘人、悉免其死、待之

更厚、惟羣感恩、還據三石山、以為則村守、由

是兵勢益振、進徇傍郡縣、城摩邪山守之、北

條仲時北條時益遣兵五千來攻、則村誘敵

嶮處、使則祐等乘高連射、敵軍擾動、因縱兵

突戰、大敗之、仲時時益復發兵一萬攻之、則

村欲逆擊、出城、途料敵軍行程、謂其至當在

明與會、急雨至、入民屋避之、敵兵奄至、則村

突出無戰、左右纔五十餘人、眾寡不敵、兵漸

殲只餘六騎、則村便卷笠號、混敵兵中、記太平

適見敵將將上馬、則村佯為賤者、下馬試扶

乘之、敵將不悟、於是復騎、目敵眾為赴戰狀

欺之、馳還本軍、平諸本太明日進攻敵于瀨川

大破之、殺獲數百人、乘勝夜向京師、縱火民

屋、照塗以行、別遣左衛門佐藤原忠俊、忠俊據金

勝院本率兵向七條、明日則村進至桂河、敵兵

二萬臨河而陣、則祐單騎先渡、則村乃麾眾

悉渡、敵兵奪氣不戰而走、則村長驅入京師、

忠俊先進、縱火民舍、光嚴院避于六波羅、時

日已昏、則村以兵寡且疲、按軍不前、俄而敵

縱騎從後掩擊、我軍大敗、整陣復戰、又敗、遂

走山碕、更集散卒、詐以左近衛中將源定平

稱聖護院宮、營于男山及山碕、以扼水陸兩

路、北條仲時北條時益遣兵來攻、則村聞之、

率兵先發、距京師三里許、沿道置伏三所、敵

至伏發、擁楯而射、敵不戰過、第二伏發、縱橫

衝突、第三伏將縈斷其後、敵駭顧大潰、尋與

源定平僧良忠攻六波羅不利時帝移幸船上詔左近衛中將源忠顯將兵助則村北條高時亦遣足利尊氏名越高家赴援既而尊氏歸順則村與高家戰久我暇部下佐用範家射殺高家敵軍崩潰則村進陣東寺源忠顯向竹田足利尊氏屯神祇官三面進逼敵深隍聯柵營壘相接守備甚嚴則村部下妻鹿長宗有膂力踰隍倒隄隍為之平則村因麾兵奮擊破其外營

○禪林諸祖傳曰則村旗畫巴文而北條氏旗

畫魚鱗是日軍中有童謠曰魚鱗水屬也巴水紋也以水敵水故無輸贏若加以龍者勝則村用其言畫龍于旗及戰大捷今不取即進與源忠顯足利尊氏俱圍六波羅北條仲時北條時益奉光嚴院東走道皆伏誅則村之功為最焉廼將諸子迎車駕於兵庫帝駐蹕親勞之曰恢復之功依汝忠效賜錦直垂從入京師
賜錦直垂據赤松系

圖時護良親王在志貴山則村往從之護良任征夷大將軍帥諸軍入京師則村將兵千人前驅時朝廷定功臣爵封異議紛紜與奪

無常論則村功賜播磨守護職未幾無故褫

職獨食佐用莊太平記○按赤松略譜云因

大懷缺望心常不樂赤松略譜及足利尊氏東征

子貞範從之尊氏反迹稍露則村陰附之會

丹波兵起攻守護碓井盛景盛景求援則村

不應遂以尊氏命招集近郡兵太平記延元元

年尊氏逼京師則村範資與細川定禪率兵

會之參取梅松論尊氏授則村以播磨守護天

本太平記則村範資與定禪大敗官軍於山碕參取

梅松論追至京師尊氏敗走兵庫則村密說

曰士卒疲弊不可濟功宜暫逃筑紫休息養

銳徐議再舉也細川族經略四國臣在播磨

控壓中國鎮西則少貳貞經在彼大友貞宗


見從軍中戮力合勢東向制敵數月之間可

飲馬於洛水也臣以天時察之大將軍在西

據其方者有利且戰以旌旗為眼目今官軍


每建錦旗而我不得設之何以免惡名自鎌

倉滅持明院上皇內懷快鬱若請其院宣揚



錦旗以麾天下之兵莫不景從此當今之良策也尊氏皆從之梅松論則村乃城白旗峯未畢與江田行義大館氏明戰室山不利新田義貞至斑鳩驛則村遣使給之曰元弘草創則村屢挫大敵頗抽微效而論功之日恩賞殊薄是所以憾於朝廷也然則村向蒙兵部卿親王殊恩死生不敢忘若朝廷不咎臣罪下綸旨復播磨守護願重展後效義貞信之馳奏京師往反旬餘則村繕完城壁乃報義

貞曰本國守護將軍已許之不復煩翻覆之綸旨義貞怒圍攻踰月則村潛遣則祐及得平秀光於筑紫說尊氏曰義貞兵分攻備前備中播磨美作諸城久不能下師老糧竭聞將軍至必望風潰走今白旗受圍數十日城中食乏城中食乏據梅松論破在旦夕若白旗已破則餘城不得保中國咽喉悉為敵有將軍率百萬兵亦何補於事尊氏乃將兵而發義貞聞之遽解圍去兒島範長赴義貞軍則村要擊



于那和、範長自殺。太平記往會尊氏于室津、從

足利直義、與楠正成戰、湊川破之。梅松論正平

五年死、年七十四。常樂記、赤松系圖稱法雲寺。赤松系圖

子範資、貞範、則祐、氏範。太平記、赤松系圖氏範自有

傳

範資、則村之起義、每從力戰、以功為信濃守、

延元元年、足利尊氏犯關、範資在京師、將亡

歸播磨、率國兵應之、遇細川定禪於途、定禪

喜、遵則村元弘入京故事、請範資為先鋒。梅

松論曰、則村率兵陣芥河、尊氏已至山崎、官會定禪、未知孰是。

軍拒之、不得進、範資弟貞範從在尊氏軍、範

資便遣書告狀、并約戮力擊官軍、且刻戰期、

尊氏大喜、明日進與範資等合、攻脇屋、義助

走之、於是官軍皆敗、尊氏進陷京師、又從細

川顯氏及高師直、與楠正行戰、譽田林四條

啜亡、何尊氏與弟直義鬪、構兵、尊氏敗走

播磨、保松岡城、範資及高師直師、泰等僅五

百人從之、事平還。太平補攝津守護職、後削

髮法名世範世稱七條赤松氏子光範直賴

範實則春

赤松系圖實據太平記

光範敘從五位下為

檢非違使信濃守

尊卑分脈

襲攝津守護職正平

中從足利義詮犯吉野還為佐佐木高氏所

誣陷罷守護職後與細川清氏拒官軍於譽

田直賴範實則春竝為叔父則祐所養

則春據赤

松系圖

直賴年十三從父在松岡城足利尊氏

置酒為訣範資誠直賴曰我今將殉死于將

軍汝尚幼且則祐嘗欲養汝為子宜還鄉里

事叔父猶事我不然為僧薦吾冥福直賴改

容對曰世間是非兒既粗辨知之豈目視大

人死而忍生還者邪決不奉命神色甚壯事

平從父而還山名師義入播磨直賴塞大山

路拒之師義不得進轉向丹波後為掃部助

範實稱彥五郎從足利義詮犯吉野與細川

清氏先登陷龍泉城後歸順與清氏攻義詮

則祐招還再屬義詮

太平記

則春近江守

尊卑分脈

貞範為筑前守建武二年從足利尊氏東征

北條時行時行軍敗保箱根水飲嶺貞範冒

嶮衝擊破之時行退阻相模河而陣貞範與

諸軍夜潛渡河攻走之尋從尊氏禦王師于

竹下後為美作守護太平記雉髮更名世貞赤松

系山名時氏入美作貞範與弟則祐等拒之

不克太平記子顯範從五位下出羽越前伊豆

等守中務少輔參取赤松系圖諸本

則祐初為僧居延曆寺給仕護良親王赤松系圖

任權律師赤松系圖新拾遺集稱帥律師號妙善或自

天尊卑分脈元弘之亂護良親王帥僧徒拒賊僧

徒尋叛親王走大和則祐與村上義光平賀

三郎等從之匿十津川半歲復從走吉野途

為敵所扼則祐等悉心扶持僅得脫親王大


喜與義光三郎竝稱為三傑及親王城吉野

收集義徒則祐亦請令旨歸播磨勸則村舉

義俱守摩耶城賊來攻則村迎擊破之將斂


兵還城則祐曰賊悉兵來戰今已敗歸卒勞

馬疲我乘勢追擊誰能拒者六波羅可立取



也、則村然之、乃進至桂河、賊新兵二萬、臨岸為陣、則祐躍馬將渡、則村止之曰、足利忠綱佐佐木盛綱濟宇治藤戶、由豫知淺深處也、今上流雪消、水勢暴漲、非騎所能堪、設使馬健得濟、惡可一人往而敵萬眾乎、則祐不聽、曰、敵多我寡、利在急戰、單騎絕流先渡、則村兵三千踵之、賊望風潰走、則祐貞範從四騎逐北、徑至六波羅西門、俟後軍至、西門據諸異本時日已暮、賊兵四至、則祐貞範便撒徽號混賊、

賊覺之、令曰、赤松兵渡水而來、其鎧馬沾濕者、悉執斬之、則祐等料不可脫、乃大叫奮擊、從騎皆死、又與貞範相失、則祐挺身脫歸本軍、復收散兵進戰七條、又見敗、尋從足利尊氏反、太平記則村死、襲播磨守護職、兼備前美作守護職、尊卑分脈正平六年、從高師直攻光明寺城、會聞美作兵起、乃還守白旗城、尋歸順、請奉護良親王子陸良討尊氏、明年復叛降足利義詮、幽陸良於京師、陸良脫入高山寺



城集兵討則祐則祐迎戰胄山敗之十年與
 佐佐木高氏從義詮拒山名時氏於神南太平
 記義詮軍敗將自殺則祐高氏諫止之時氏
 乘勝競進則祐輒起褰幕令眾曰汝等力戰
 效死報主垂名竹帛眾競進奮戰大敗時氏
 加授備前福岡十六年時氏將兵三千略美
 作諸城將攻倉懸城則祐與貞範等率兵二
 千援倉懸山名師義別將八百騎待之則祐
 等見其兵寡將進擊之會阿保信禪等歸順

將襲播磨則祐築法華山等五城守之遣使

讚岐求援細川賴之本書作賴旨今賴之抵

備前以兵寡不進城陷後則祐與諸將助作

義詮萬里小路第坐功緩削一莊太平二十


四年率姪光範等擊弟氏範於天王寺走之

花營三建德二年死於建仁寺大龍庵常樂

子義則義祐將則師範朝範參取尊卑分脈

子諸系圖互有義則以佐佐木高氏外孫為

足利義滿所寵遇則祐死襲播磨備前守護



歷左近衛將監上總介兵部少輔至從四位

下大膳大夫赤松系圖義滿以赤松及山名一色

京極氏為侍所居京師聽斷訟獄因稱四職

武家補任元中中與山名氏清戰京師敗之以功

加授美作守護美作不服率兵擊平之明德記

薙髮改名性松義祐食攝津有馬邑因稱有

馬氏為出羽守將則為左馬助尊卑分脈元中中

與山名氏清戰内野敗死明德記赤松系圖師範為

美作權守近江守赤松系圖朝範為肥前權守神

南之戰從父陣山西先敗朝範深以為愧欲

得敵一將相刺死覘擊山名師義為其從兵

所傷眩仆敵乃刺其喉棄去比戰罷遂得蘇

而還太平記

大日本史卷之二百一十終

大日本史卷之二百一十
 權中納言從三位源光圀
 山修
 權中納言從三位綱條
 校
 權中納言從三位治保
 重校
 權中納言從三位源光圀
 山修
 權中納言從三位綱條
 校
 權中納言從三位治保
 重校

大日本史卷之二百一十

列傳第一百三十八

權中納言從三位源光圀

山修

權中納言從三位綱條

校

權中納言從三位治保

重校

將軍家臣二十

山名時氏子師義氏清

土岐賴遠兄賴直姪賴康

山名時氏稱小二郎八世祖義範新田義重



子稱山名三郎尊卑分脈山名系圖從源賴朝擊平氏

有功授伊豆守尊卑分脈東鑑父政氏稱彌二郎時

氏歷伊豆守彈正少弼為左京大夫尊卑分脈山名

系圖元弘中與政氏俱從足利尊氏戰竹下又

從走筑紫興國元年與子師義追擊鹽冶高

貞於出雲殺之天正本太平記為侍所別當因幡伯

耆守護山名系圖六年荻野朝忠據丹波高山寺

城尊氏令時氏率兵三千攻降之正平二年

細川顯氏與楠正行戰河內敗退尊氏再遣

時氏顯氏率兵六千戰瓜生野時氏大敗身

被七創軍士擁走顯氏軍弟兼義鬪死七年

與師義起兵伯耆抵出雲逐佐佐木高氏小

目代吉田嚴覺乃馳使吉野歸順明年時氏


與師義將兵五千自丹波大納言藤原隆俊

楠正儀等自淀竝向京師足利義詮陣神樂

岡時氏攻敗之義詮東走又破高師詮軍于

吉峯於是時氏欲待兵大集擊義詮於美濃

既而隻兵不至士卒多亡朝廷亦遣藤原隆



列傳
俊管攝諸事、時氏不得志、遂引還伯耆、官軍亦皆罷歸、京師再爲敵有、是時足利直冬流落在安藝、周防間、時氏意以爲兵不來附、由將望不重也、乃奏奉直冬爲大將、九年督諸軍進、山陰兵望風來附、足利高經、桃井直常亦起兵北國應之、尊氏聞而走近江、明年時氏與直冬入京師、官軍來會、尊氏率兵還攻、時氏直冬等分軍拒之、神南不克、斂兵西還、聞義詮犯吉野、懼其移兵來襲、聚兵繕城爲

之備、尋攻美作、取柰義能、仙篠、向大見、丈等九城、獨倉懸城堅守不拔、赤松貞範出兵於境上、謀援倉懸城、時氏遣小林重長屯星祭、嶽遏之、急攻取倉懸、十七年率兵五千抵美作、遣子師義等將兵略備前備中、遣富田直貞略備後、直貞敗退、師義徇但馬丹波、既而引還、十九年時氏使人請義詮曰、臣與將軍舊無微嫌、今所以起兵、將討佐佐木高氏以懲後耳、願將軍幸赦臣擅起兵罪、賜以臣所

略定諸國、則效節如前日也、義詮喜曰、山名
降則中國平、官軍衰矣、乃赦之、太平因授因

幡伯耆丹波丹後美作五國守護、太平記、山

後削髮號道靜、尊卑分脈、山名、系圖、建德二年死、山名、

花營三代、子師義、義理、氏冬、氏清、時義、義數、

義繼、氏重、高義、義治、氏賴、義理為修理權大

夫、尊卑分脈、山名、系圖、彈正少弼、山名、系圖、與弟氏

清攻和泉紀伊有功、花營三代、加紀伊守護、山

系圖、後與氏清作難、攻足利、義滿、義理在紀伊

集兵未發、氏清敗死、義理請降、義滿不聽、使

大内義弘來擊、義理兵潰、奔亡為僧、不知所

終、氏冬為中務太輔、因幡守護、與氏清俱起

兵、尋復降、明德時義為兄師、義所子養、尊卑

山名、系圖、與兄義理等攻和泉紀伊、花營三代、義數

為上總介、與氏清俱敗死、山名、系圖、義繼為

信濃守、氏重為右馬助、尊卑分脈、山名、系圖、從義理攻

和泉戰死、明德高義為修理亮、義治為駿河

守、尊卑分脈、山名、系圖、氏賴事關、

加藤神保 卷之二十一 列傳

師義初名師氏為右衛門佐太平記、山名系圖年甫


十四從父時氏追擊鹽冶高貞疾驅至湊川會日暮而止師義謂從士曰彼晝夜兼行追者安待天明我欲侵夜尾之騎健馬者來輒不告時氏而發小林重長等十二騎從之馳十六里曉及于賀古河高貞弟六郎等七人隔岸射拒之師義直進手斬六郎悉殺餘兵梟首路傍高貞乘間亡至小鹽山又追及之斬從兵三人高貞復逸去師義以馬乏不可

馳因留俟時氏至與共入出雲高貞自殺正平七年從足利義詮犯男山官軍斷淀橋守之會雨水暴漲師義從淺處濟軍擊走之遂與諸將俱進陷男山初足利尊氏許以若狹今積莊與師義而未果尊氏卒至是師義欲以男山戰功得其地時佐佐木高氏為義詮所親任言莫不從師義屢造請高氏高氏嫉其功每不出見師義候立良久大怒曰我是將軍支族為有所求造汝而無禮至此吾今

大田本史 卷之二十一 川傳 五


起兵、誅剪汝曹以取一快也、馳還伯耆、具告時氏、與俱決謀歸順、明年從時氏會官軍、攻義詮於京師、破走之、十年又與時氏入京師、義詮率高氏等陣神南山、師義以手兵及官軍數千躡險而上、短兵急接、直逼義詮軍、望見高氏旗幟大喜、謂士卒曰、我起兵、本非圖逆、只得斬此老賊以刷前辱足矣、速取其頭來、眾爭趨之、義詮縱數騎乘高下擊、軍遂大敗、士卒死者無算、小林重長單身距戰、師義

與從者返救、敵攢鏃雨射、矢中左目、洞耳後、馬傷而踣、因將自殺、河村賴秀趨扶上已馬、使福間三郎引轡去、自留戰死、師義流血入目、不知東西、連呼曰、河村河村、福間曰、河村死矣、連呼以下據西源院本曰、執轡者誰、為我驅入敵中、與河村同死、福間佯答曰、馬正向敵矣、遂驅及本軍、師義遣使於義詮、乞賴秀首、厚葬之、又悉錄戰亡士卒、修薦於因幡佛寺、十六年略美作取數城、明年將二千餘騎略備前、



松田某等城守不肯出遣多治目某等攻備
中松山城秋庭某為內應高師秀棄城走國
中兵士相率降附師義將進兵狗播磨仁木
賴勝據但馬乃與但馬人長某安保信禪等
合兵攻之遣小林重長以兵七百略丹波與
仁木義尹等相持糧乏引還後與時氏共降
義詮太平記為小侍所祝髮號道興山名系圖天授
二年死尊卑分脈山名系圖養弟時義為嗣
為伊豫守尊卑分脈山名系圖元中六年死尊卑分脈山名系圖

常樂記師義子義幸氏幸義熙滿幸尊卑分脈山名系圖
氏清為民部少輔任陸奧守為丹波守護山名
系圖與兄義理犯吉野以功加和泉守護花營三代
記明弟時義在但馬縱恣尤甚義滿將擊之
會時義病死子時熙氏之等益橫暴氏清構
之於義滿義滿命氏清及滿幸擊平之已而
時熙氏之潛入京師哀訴曰臣實無罪罹族
人讒毒耳義滿憫之會氏清設宴宇治請義
滿義滿欲諭氏清釋時熙等滿幸聞之謂氏




清曰將軍諭吾吾安得不聽不若稱疾氏清從之滿幸恣掠上皇給邑義滿與書諭之不聽上皇使者至滿幸遣人逐之義滿大怒將奪守護命令還國滿幸還丹後義滿遂釋時熙等滿幸憤怒來和泉見氏清曰嚮將軍命我討彼今又釋彼必將討我請先發氏清許之義滿聞之將發兵氏清詐獻誓書謝之乃往紀伊見義理告計不可強之乃可於是氏清帥兵發和泉滿幸發丹後氏清進至男山

謂其將小林某曰嚮新田左中將扶翼南朝名冠天下吾乃其族也於取天下乎何有且我嘗請錦旗於南朝獲之今當揭此旗○尊卑分

脈曰氏清號受南朝詔舉兵蓋一時詐謀也小林流涕曰今日之

舉臣知其敗何則背恩蔑上何以能濟臣欲逃則傷勇欲戰則傷義臣寧戰死小林乃與義數先驅至二條大宮與大内義弘戰殺傷相當義數謂小林曰何不擣將軍陣遂竝進不克而死氏清聞之曰吾必死於二人死所



進至大宮、與時熙等戰破之、一色詮範等來擊、氏清遂敗死、滿幸從内野進、戰敗逃走、明德

記初時氏每誡諸子曰、我子孫必有叛者、元

弘以後、吾居上野山市、與農夫雜處、艱阻備

嘗、今也身享温飽、將軍之恩深矣、然猶或有

侈心、至於子孫、不復知君父之恩、驕逸縱恣、

必有為上所疑者矣、後果如其言、難太平記

土岐賴遠稱七郎、其先出源賴光、賴光子賴

國為美濃守、子孫居美濃、尊卑分脈賴遠六世祖

光信仕鳥羽上皇、所謂四天王之一也、為左

衛門尉、兼檢非違使、任出羽守、至從五位上、

始居土岐、因氏焉、父賴貞北條貞時之外孫、

便弓馬、能和歌、任伯耆守、削髮號存孝、賴遠


任彈正少弼、為美濃守護、尊卑分脈建武二

年足利尊氏反於鎌倉、官軍分道來討、賴遠

從足利直義拒於矢矧川、敗還、聞官軍來迫、

與足利高經佐佐木高氏等夜馳至竹下、眾

僅百許、兵數據諸異本太平記味爽尊氏至、賴遠等仍



為先鋒擊中務卿尊良親王走之

太平延元

元年又從走筑紫從直義拒菊池武敏於多

多良濱有功

諸異本
太平記

遂從入京師據東寺官

軍來討尊氏使賴遠等拒之賴遠與大納言

藤原師基左衛門督藤原實世戰五條大宮

破之時新田義貞逼東寺賴遠還與諸軍俱

衝義貞陣後圍之數重義貞僅而免三年鎮

守府大將軍源顯家擁眾西上上杉憲顯桃

井直常追至美濃賴遠率兵出會洲股諸將

議曰料彼軍比抵宇治勢多將軍必撤橋拒

之吾曹乘後夾攻莫不克矣賴遠曰敵兵在

前縱之令去尾擊其後諸君自為計則善矣

人謂之何僕唯有戰死而已直常曰善眾議

乃定賴遠直常併兵陣青野原與顯家大戰

見敗更集敗卒突少將源顯信陣馳驟奮鬪

賴遠直常被創從兵略盡賴遠退保長森城

尊氏遣兵逆拒顯家于黑地河

太平

賴遠出

躡其後顯家不能進遂道伊勢而去

難太
平記明

年脇屋義助在越前復北國數十城足利高經棄黑丸城而逃尊氏遣諸將三道竝進援之賴遠率美濃尾張兵從大野郡進與高經等攻杣山城拔之義助走美濃保根尾城賴遠與姪賴康又攻拔之賴遠累立大功恃勢驕肆興國三年與二階堂行春會射今比叡馬場終日劇飲連騎夜還路逢光嚴院自伏見殿還行春聞前驅稱警蹕乃下馬俯伏路左賴遠醉甚罵曰今時能令我避路者誰前

驅曰田舍人無禮不知院之幸臨乎賴遠笑

曰院邪犬邪

院犬音訓相近

果犬當射之麾其徒環

車射之折軛斷輻具極侵辱直義聞之大怒曰必處此曹于極刑以懲將來也賴遠行春懼各遁還國直義將遣兵討之行春入京師自首賴遠自知罪首不可免謀起兵拒之而族人皆從直義命莫應之者賴遠潛抵京師因僧踈石乞赦死直義不聽斬之六條河原當時武人恃功專橫凌轢搢紳習爲風俗其

在遐陬者、唯知有尊氏、而不知有院天子也、
 聞賴遠遭刑、相戒不敢為無禮、稍知上下之
 分焉、記太平賴遠子氏光、光明直賴、光行、氏光
 稱今峯氏、任左馬頭、尊卑分脈○太為仁木
 義長、義子、圖藉其勢力、奪從兄賴康食邑、義
 長賴康由是有隙、記太平光明稱外山氏、為遠
 江守、直賴稱外山氏、為近江守、光行稱今峯
 氏、為駿河守、賴遠弟賴明、為兵庫頭、剔髮法
 名周濟、尊卑分脈賴遠之被誅、賴明以不預事原

歸美濃、正平二年、從山名時氏、細川顯氏、擊
 楠正行、賴明與佐佐木氏、賴別陣安部野、時
 氏為正行所敗、退、高師直擊正行於四條畷、
 正行奮鬪、諸軍披靡、賴明力戰被傷、退而過
 師直前、師直曰、勇者亦為退乎、賴明乃迴馬
 犯陣而死、太平記○天正本、太平記曰、正平
 義詮親將兵來攻、周濟起兵美濃、畔足利義詮、
 京師斬于六條河原、與本書異、按園太曆、周
 濟作周請、祇園執行、日記作周清、而本註曰、
 兵庫入道、道存子、則與賴明為別人、明矣、故
 取、今不

賴直稱惡源太

太平記

賴遠兄也、為藏人任左

衛門尉

尊卑分脈土岐系圖

與父賴貞俱從足利尊氏

據東寺、將兵出拒官軍于三條河原、會中納

言藤原隆資來攻東寺、乘勝焚樓櫓、時尊氏

分遣將士于諸路、麾下兵甚少、殆不能支、賴

貞在側、嘆曰、賤息若在、不使敵至此也、賴直

適至、賴貞迎而言曰、事急矣、汝往卻之、賴直

聲喏起出、尊氏呼還、解佩刀與之、賴直往羅

城門側、雨射官軍、手斬數人、官軍為之退走、

太平記

賴康賴遠兄賴清之子也

尊卑分脈土岐系圖

土岐氏

世以桔梗花為旗號、門族強盛、每行軍結為

一隊、呼為桔梗一揆

太平記

初賴遠為其宗長

統攝之、及被刑、賴康代之

尊卑分脈土岐系圖

為美濃

尾張伊勢守護、任美濃守

尊卑分脈伊勢作伊豫

正平初、足利尊氏擊其弟直義於鏡驛、賴康

率兵二千從焉、七年官軍復京師、足利義詮

東奔近江

太平記

賴康率美濃尾張等兵往會

之軍勢大振

太平記

遂從義詮入京師與諸

將共圍男山陷之

太平記

明年山名時氏與

官軍攻義詮於京師賴康與山名師義戰二

條河原

二條河原據天正本

不利亡其族九十餘人遂

從義詮走美濃十年與仁木義長從尊氏救

京師與桃井直常赤松氏範戰七條河原二

日數十合敗直常等走之又從諸將與官軍

戰七條細川清氏奮鬪被創賴康兵五百騎

與佐佐木氏賴進救之大敗官軍遂結營薄

東寺官軍勢挫不復出戰棄東寺退

太平記

及尊氏卒賴康祝髮更號善忠

尊卑分脈

十四年從

義詮犯吉野初仁木義長子養賴遠子氏光

竊謀奪賴康采地與氏光賴康心常銜之間

畠山國清圖義長因贊成其計義長遂奔伊

勢賴康族東池田兩氏與小河中務丞據尾

張小河城應之賴康遣弟直氏率兵擊之斬

中務丞賴康又與佐佐木氏賴率兵七千圍

義長于長野城相持二年義長遂出降

太平記

賴康、歷刑部少輔、大膳大夫。尊卑分脈、土岐系圖、太平記。

至從四位下、聽昇殿、為管領。尊卑分脈。天授五年

島田某讒賴康於足利義滿。鎌倉大義滿將、草紙。

發兵來擊、既而獲解。花營三代記。元中四年死、年

七十、稱建德寺。尊卑分脈、無子、土岐聞書。

滿貞為賴行子、據本書說、則土岐系、養姪賴圖、滿貞為賴雄子者、為得、故不取。

行為嗣、賴行稱刑部大夫、為大膳大夫。尊卑分脈。

土岐圖。後叛足利義滿、敗亡。土岐圖。子康政任大

膳大夫、為伊勢守護、賴康弟賴雄、賴忠、康貞、

直氏。○本書所載名有異、同、今不盡注。賴雄號楫斐、為出羽

守、子賴行承賴康後、賴忠初名賴世、號池田、

為美濃守、刑部少輔。尊卑分脈、土岐系圖。便弓馬、尊卑分脈。

賴行之作亂、賴忠與子賴益擊之、有功、義滿

命為土岐家督。土岐聞書。賴益任左京大夫、戰於

尾張美濃之間、屢敗敵。○尊卑分脈、土岐系圖、

何時、蓋從父、擊賴行也。以功為美濃守。土岐系圖。由是土岐

氏再顯。土岐聞書。康貞善射、土岐系圖。世呼為惡五郎、

太平記、土岐系圖。正平七年、從賴康與官軍戰荒坂、

山路險隘、官軍雨射、我兵不能前、康貞挺身直前、與和田正忠鬪、爲正忠所殺、太平直氏爲伊豫守、宮内少輔、尊卑分脈、太平記足利義詮犯吉野、直氏與兄賴康從焉、直氏與細川清氏等別將攻龍泉城、諸將以城險不敢逼、相持數月、直氏謂部下戶藏尚守曰、吾望龍泉上多烏鳶、是必虛城、兵法所謂飛鳥不驚、上無氛氣、必知敵詐而爲偶人也、試以部下特取之、乃急拔營馳赴、細川清氏赤松範實相繼

至、與直氏兵破柵而入、守兵果旣遁、僅留羸卒百許人、不戰而潰散、乃火城而還、太平記、戶藏尚

守據天後剔髮號信慶、尊卑分脈

大日本史卷之二百一十二終

大日本史卷之二十一

Blank columns for the main text on the right page.

大日本史卷之二百一十二

列傳第一百三十九

權中納言從三位源光圀 修

男權中納言從三位綱條 校

玄孫權中納言從三位治保 重校

將軍家臣二十二

大友貞宗

少貳貞經 子賴尚

小田治久

結城親朝

伊達行朝

千葉貞胤

大内義弘

荻野朝忠

大友貞宗豐後人鎮守府將軍藤原秀鄉之

後也五世祖能直嘗為中原親能所子養後

復本姓始以大友為氏尊卑分脈○大友系

子今不取見賴朝傳為左近衛將監大友系圖事源賴朝

見寵遇從討藤原泰衡有功又從獵富士野

會曾我祐成與弟時致復父讎營中大擾賴

朝欲親出拒能直爭而止之賴朝嘉其忠誠

東鑑尋授豐前豐後守護為鎮西奉行又任豐

前守兼檢非違使子孫襲為守護奉行世雄

西土父親時為左近衛將監式部大輔長子

貞親拒蒙古有功死貞宗因繼兄後為左

近衛將監左衛門尉兼近江守襲守護薙髮

號具簡參取尊卑分脈大友系圖元弘中帝在船上貞宗

大日本史 卷一百一十二 川傳 三

與菊池武時少貳貞經竊納款既而武時圖
誅筑紫探題北條英時遣使來告貞宗顧望
不肯出兵武時進襲英時貞宗反援英時殺
武時及官軍克六波羅貞宗懼得罪又與貞
經合謀共攻英時殺之延元元年足利尊氏
犯京師求援於貞宗貞宗與大內弘世厚東
宗西將兵船三百隻應之會尊氏兵敗退陣
于湊川貞宗從足利直義回拒官軍不利貞
宗見軍連敗不可更戰勸尊氏曰少貳貞經

在筑紫素傾心將軍臣等船隻甚多願速駕
赴筑紫發九國兵來攻再勝可期矣尊氏從
之走筑紫菊池武俊迎戰于多多良濱貞宗
復從直義擊破之太平記及尊氏再向京師貞
宗復從直義攻拔福山城梅松論○太平記
云本間資氏所射
鳥墮大友船據此則貞
宗屬尊氏軍與本書異進戰湊川直義為楠
正成所迫太平記貞宗與諸將力戰遂克之北條
家本南都本西
源院本太平記尋與諸將拒新田義貞於東
寺御之太平記子貞載氏泰大友
系圖貞載為左近



大日本... 卷之三十一... 三十一

衛將監、大友系圖、號立花、大友系圖、從新田義貞

討足利尊氏於鎌倉、太平路潛送款尊氏、梅

論竹下之戰、乃降尊氏、反擊破官軍、明年從

尊氏入京師、會結城親光、佯乞降、尊氏命貞

載受之、為親光所斫而死、太平記、梅松論

載裏創、持親光頭、見尊氏、尊氏、貞載無子、以

弟宗匡為後、大友系圖、氏泰從脇屋義助拒足利

尊氏於山崎、諸軍敗績、遂降尊氏、太平記、○

一本云、氏泰正、尊氏授以源姓、歷大炊助式

部丞、大友系圖、及足利直冬奔肥後、太平記、大友族

與諸將屬之、後再降尊氏、園太曆、祇園執行

書大友、不載氏、氏泰無子、以弟氏時為後、氏

時為刑部大輔、正平中歸順、尋復降義詮、大友

系圖、平記、

少貳貞經筑前人也、五世祖賴平為大友能

直祖景賴養子、補武者所稱武藤、尊卑分脈

圖云、賴平父賴、高祖資賴善弓馬、為源賴朝

所愛寵、從擊藤原泰衡有功、少貳系圖、任筑前守、

大日本... 卷之三十一... 川傳 四

大日本史 卷三十一 武時 四

○系圖 作筑後 為鎮西守護、任太宰少貳、子孫世襲

其職居太宰府、因以少貳命族、食岩門鄉、尊卑

貳分脈少系圖、祖經資、延元初與菊池武敏戰于筑

後豐福有功、文書代父盛經為筑後守、卒於鎌

倉、貞經襲祖先職、薙髮曰妙慧、少貳系圖、元

弘中帝幸船上、貞經與大友貞宗、菊池武時

通謀、奏請討北條氏、綸旨、帝聽之、賜以錦旗、

武時將擊筑紫、探題北條英時遣使報之、貞

經聞京師之戰、官軍不利、即斬其使、與貞宗

俱援英時、遂殺武時、及官軍復京師、貞經大

懼、遣使與貞宗約結、同攻殺英時、以自贖、太平

記足利尊氏之反也、適貞經二子從在鎌倉、

尊氏因遺書貞經誘之、已而尊氏犯京師、大

敗、乃與弟直義西奔、將赴太宰府、貞經多備

馬仗待其至、遣子賴尚等率銳卒數百往迎、

并製錦直垂奉尊氏、兄弟菊池武敏邀擊破

賴尚、進至太宰府、貞經兵寡不能支、武敏縱

火盡焚其所備戎器、貞經保内山佛寺、會女

大日本史 卷三十一 武時 五

大日本史 卷三十一 五

壻原田某逼貞經女壻據西源院本太平記欲俱出降貞

經不肯乃謂士卒曰我荷將軍倚賴殊重今

聞其臨境遣賴尚奉迎而挫衄至此何面目

見將軍乎即與眾百餘人剝腹而死少子僧

宗應毀尸為薪火其屍亦投火中而死參取太平

記梅松論貞經臨命囑寺僧戒賴尚等曰汝曹勿

為我誦經修薦唯善輔將軍濟霸業此是大

佛事矣昔三浦義明知源家將興效死衣笠

使褒賞延子孫我將為義明汝曹慎勿忘吾

言也尊氏聞其死甚悼惜之哀感左右賴尚

由是益被恩遇云梅松論子賴尚

賴尚襲任太宰少貳為筑後守敘從五位上

參取武藤系圖太平記貞經之舉兵也北條英時使長

岡惟幸來察變惟幸名據金勝院本貞經稱病不見惟

幸更詣賴尚則視士卒方製楯砥鏃謂其果

有謀也伺其出就坐拔佩刀前刺賴尚素拳

捷舉棋局扞之與惟幸交搏左右競集亂刺

惟幸殺之賴尚遂與父俱討殺英時後將兵

大日本史 卷三十一 下

迎足利尊氏軍比過水木渡菊池武敏奄至、
 悉擊殺後騎賴尚阻水不能還救、太平奔會
 尊氏于赤間關從至蘆屋津軍中已傳貞經
 死尊氏召問之賴尚恐沮軍氣詭對云或不
 然乃前導至宗像大宮司政弼家、政弼名據金勝院本
太平賴尚進陣蓑尾濱尊氏聞武敏大兵來
 屯博多即夜召賴尚議計賴尚曰宰府之戰、
 貞經輒失利以賴尚不在而守兵寡少也雖
 然貞經素諳本國地形料其既間道脫出也、

將軍明日進兵則管內諸郡兵爭先來屬武
 敏孤軍不足多慮賴尚一人之力足以制之
 也聞者稍強膽進至多多良濱賴尚望武敏
 兵盛請尊氏直義曰敵兵雖眾今當來降欲
 抗我軍者不過其麾下三百賴尚奮死蕩之
 則敵是風前埃耳及戰降者相屬武敏遂敗
 走尊氏之取筑紫由此戰也尊氏直義至太
 宰府始知貞經之死甚哀直義為持喪禁軍
 士喧譁不出帳數日賴尚齎酒肉往謝曰伏

義伏節人臣之常分公之垂意及此榮幸爲甚然軍機難緩請速出視將士因自起勸酒直義爲之強飲而罷尊氏將入寇至備後議進取策或云將軍兄弟宜同舟進賴尚曰此舉天下之成敗係焉聞敵多攻中國諸城先擊破之略可成功耳若兩將舟師偏進則誰能掃陸路兵者乎將軍宜由海守殿由陸而進賴尚督陸軍前鋒血戰卻敵用此供亡親之佛事也尊氏壯其言從之

○天正本太平記以賴尚所議

爲得平賴尚乃以二千兵從直義而進湊川秀光言之戰大有功遂入京師率九國兵攻延曆寺戰敗而還梅松論已而新田義貞來討尊氏於東寺賴尚與大友貞宗厚東某等拒破之名和長年戰沒太平記梅松論大友貞宗厚東某據太平記尋爲直義前鋒攻官軍于阿彌陀峯破之後還筑前尊氏與以采邑數所併贖錦直垂直義又贈以愛馬以勞其前後功梅松論正平中賴尚爲菊池武光所攻勢窮降之一色直氏攻賴尚

於古浦城賴尚戰大敗賴武光之援得免乃
 貽血書謝之及武光討畠山重隆重隆名據金勝院本
 令賴尚發兵相援賴尚輒叛與阿蘇大官司
 宇治惟時惟時名據阿蘇社文書通謀舉兵太宰府明
 年武光奉征西將軍懷良親王來攻賴尚隔
 筑後川而陣武光進濟川賴尚退陣大原夜
 為武光所襲大敗明日苦戰數十合又敗死
 者凡三千餘人遂退保寶萬嶽尋與大友氏
 時逆擊武光於香椎又敗足利義詮以斯波

氏經為筑紫探題援之賴尚氏時從氏經子
 松王戰長者原又敗賴尚退據岡城與武光
 相拒久之死太平記三子直資○太平記冬資直作忠
 賴澄尊卑分脈直資襲為少貳與二子戰死于大
 原參取尊卑分脈冬資任少貳建德中足利義
 滿遣今川貞世還鎮西適冬資在京師從而
 西天授元年軍于肥後為貞世所殺花營三代記
 賴澄越後守及冬資死歸順任少貳為探題

參取尊卑分脈武藤系圖阿蘇社文書

小田治久初名高知、八田知家七世之孫也、

父貞知常陸介、世食常陸小田地、為著姓、尊卑

分脈、小田系圖、○治久為尾張權守、尊卑分脈、結城

貞知或作貞宗、文書元弘元年從關東軍于笠置、轉攻楠正成

城、光明寺藏及帝遷隱岐、治久與佐佐木高

氏等護送、天正本北條氏滅、治久歸順、無幾

任宮內權少輔、尊卑分脈、結城足利尊氏之

反也、本國將士多黨之者、太平治久據小田

城、與尊氏黨相抗、延元二年鎮守府大將軍

源顯家西上、途由下野、別遣侍從源顯國自

常陸進、治久出屬之、佐竹義春出兵遮路、即

擊卻之、烟田進會顯家于途、今川明年顯家

戰沒、元弘治久還據其城、分兵守志

筑城、時前常陸大掾平高幹應尊氏在石岡

城、治久遣兵攻之、常陸稅是歲準大臣源親

房漂至常陸、治久迎之入城、供給經年、結城

朝廷特授治久左近衛權少將、小田系圖、按

中將、今據仍兼常陸介、小田系圖、為本

記、今川記訂之、結城文書、

國守護

結城文書

尊氏患關東將士多勤王使高

師冬來圍小田城

保曆間記、結城文書、常陸稅所文書

師冬更

遣平高幹攻志筑城數月不能拔焉

常陸稅所文書

師冬密使說者啗治久以利治久方倦戰及

聞其說竊懷二心親房察知之馳檄請援於

結城親朝親朝觀望不來救治久遂決意引

敵入城親房奔保關城治久既降師冬師冬

變前約奪其守護削其邑停延元己後所任

之官職仍舊稱宮內權少輔治久大失望再

有歸順之意而不果

結城文書

正平七年從尊氏

軍與新田義宗戰于笛吹坂敗之

太平是年記

死治久略涉書史有文才

空華集

治久家

世相傳始祖知家源義朝庶子為藤原宗綱

所養

尊卑分脈

冒藤原氏至是請尊氏改為源氏

小田系圖

子孝朝為讚岐守

小田系圖、後雜髮曰

惠尊

小田系圖、鎌倉大草子

弘和中足利氏滿自將兵

攻小山義政孝朝為先鋒有功元中中義政

子若犬丸舉兵氏滿擊敗之若犬丸亡匿野

田等忠捕其黨一人致之鎌倉有司鞫問囚
曰小田孝朝父子竊黨若犬丸以故隱在其
家氏滿將收孝朝孝朝率其子二人及信太
某等據男體山氏滿使上杉朝宗攻之城在
山頂尤為嶮絕孝朝拒守甚力鎌倉兵多被
創踰年而不能拔氏滿遣使諭孝朝曰汝速
出降則宥其罪食邑仍舊我不敢食言孝朝
遂出降子五郎不肯出五郎據喜連川系圖率餘眾據
男體山鎌倉兵乘曉霧急擊之城兵狼狽五

郎火城與眾百餘人共自殺孝朝以先出降

得免參取鎌倉大草子僧賴印行狀應永二十一年死孝朝

善書及和歌子治朝先父死孫持家嗣小田系圖

結城親朝稱七郎上野介宗廣長子也參取

家譜結城文書為參河守元弘三年帝在隱岐遙敕

宗廣及親朝討北條高時宗廣在鎌倉應護

良親王令與諸將俱攻鎌倉克之時親朝留

守陸奧白河邑聚與羽兵以備不虞亂平以


功賜糠部郡九戶邑結城文書及鎮守府大將軍

源顯家至鎮親朝為評定眾兼引付頭人預
 議國政建武二年記建武二年為白河高野巖瀨
 安積四郡及近接諸邑檢斷尋任大藏權少
 輔延元二年為下野守護賜高野郡地以賞
 前功有賊兵據陸奧五百河源顯家發兵討
 之令親朝援之無何為大藏權太輔授從四
 位下結城文書明年顯家復鎌倉西上宗廣從之
 留親朝鎮本國既而顯家敗死宗廣亦病死
 伊勢親朝心懷危懼太平記及準大臣源親房

漂至常陸通謀親朝俱擊敵四年擊敵于長
 福若敗之結城文書興國元年鎮守府大將軍源
 顯信至陸奧入親朝城元弘日記裏書進將入府為
 石塔義房所遮不能進途與義房相持親朝
 遣兵救之帝嘉其功就拜修理權大夫結城文書
 明年與子顯朝從顯信攻義房拔其城參取
文書阿蘇社文書四年源親房在關城承制以親朝
 為上總守護結城文書初宗廣之死也遺言誠親
 朝以必誅賊以故親朝初竭力制敵既而官


軍連喪將帥、往往叛去、親朝亦度勢不可支、頗懷異心、太平記、結城文書、及親房據小田城、為敵所圍、乞援親朝、親朝許之不果、親房走保關城、數遺手書求援、激勵切至、親朝終不應之、是歲遂叛降足利氏、於是親房棄城西走、關東相次陷沒、結城家譜、正平初、足利尊氏遣吉良貞家鎮陸奥、尊卑分脈、因發兵擊源顯信、時親朝罹病、遣子顯朝從貞家擊顯信于靈山、宇津峯等處、顯信敗走、乃躡後赴出羽、改立谷澤

城、頗有功、尋死、三子長顯朝、彈正少弼、次朝常、參河守、次朝胤、左兵衛尉、初皆竭力王師、後與親朝俱叛去、及源顯信再發兵入陸奥、顯朝朝常等竊應之、圖舉義不果、返從吉良貞家攻顯信、走之、結城文書、伊達行朝、陸奥人、伊達系圖、常陸介藤原時長、後也、時長仕源賴朝、食常陸伊佐地、有女曰大進局、為賴朝所幸、生一男、以故時長得親近、薙髮曰念西、文治中從賴朝討藤原泰



衡于陸奧軍次熱借山時長與子為宗等先
登敗伊達郡敵壘為宗獲信夫莊司佐藤元
治陸奧平賴朝以伊達郡與時長因氏焉為
宗號常陸冠者為皇后宮權大進東鑑子孫世
居陸奧伊達系圖行朝為藏人任左近衛將監建武
二年後為宮内太輔伊達系圖與結城親朝
等同列評定眾兼引付職預聽與羽訴訟建武
二年建武二年北條時行反會有賊起陸奧
長倉行朝擊敗之參取結城文書裏書尋從源顯

家西上戰于園城寺太平記延元二年顯家令
行朝等討五百川賊乃併田村莊司兵俱擊
平之結城文書再從顯家西上時芳賀禪可據宇
都宮城叛顯家遣行朝等攻之圍攻三日遂
降之太平記後顯家戰沒又從源親房至常陸
親房據小田城行朝據伊佐城及高師冬來
攻親房走保關城師冬環而攻之數年糧盡
城陷敵盡兵來圍伊佐城行朝厲眾拒守參取
結城文書別府既而其族在陸奧者與結城



州府志卷之三十三 列傳 十五

親朝俱降敵文書結城行朝度孤城難支遂出降

師冬常陸稅正平三年死伊達行朝好和歌

其所詠多入敕撰諸集續千載和歌集新拾遺和

歌集新後拾遺和歌集風雅和歌集○作者

部類曰二階堂行朝伊達行朝同時人而且

同姓亦皆善和歌共入行朝撰諸集撰者以其

同姓名無分別改伊達行朝名作朝村以收

集中子宗遠彈正少弼○按相馬文書曰正

入陸奧襲國府時伊達飛驒前司蓋宗遠也村宗遠

子政宗伊達為大膳大夫剃髮曰圓孝伊達

結城文書○鎌倉應永七年在鎌倉有憾于

足利滿兼與葦名滿盛竊謀作亂逃還陸奧

陸奧將士擊之結城不能克九年足利滿兼

遣上杉氏憲將兵攻之政宗擊卻之滿兼更

遣大兵圍攻政宗力盡出降鎌倉大

千葉貞胤下總介胤綱玄孫也襲稱千葉介

千葉為修理大夫部類元弘元年從大佛貞

直攻楠正成赤坂城光明寺藏二年北條高

時遣貞胤等護衛車駕至隱岐太平明年新

大日本史 卷三百二十二 列傳 十五

田義貞起兵，貞胤往從之，擊高時將金澤貞將于鶴見，破之。梅松論建武中，從討足利尊氏，屢有戰功。及帝幸延曆寺，貞胤將兵護衛，源顯家自陸奥勤王，貞胤率兵屬之。太平義貞記攻園城寺，貞胤與伯父宗胤先登，奪門而前，宗胤力戰沒于陣。太平記并尋從皇太子赴北國，遇雪失路，適遇足利高經軍，貞胤士卒皆飢凍，不能復鬪，眾欲自殺，高經遣使招之，貞胤遂與部下五百騎降之。正平初，從高師

直與楠正行戰于四條，太平六年死于京

師。常樂記千

千葉叙從五位下，能和歌。作者正平六年足

利直義據男山，氏胤往屬之。園太已而又從

尊氏與直義戰于薩埴山，追擊上杉憲顯等，

戰早河尻，敗。明年復從尊氏與新田義宗戰

于笛吹坂，敗之。太平十八年病死于美濃。千葉

系圖

大内義弘稱孫太郎，周防人也，姓多多良氏，

其先正恒以大内為氏、自十世祖盛房世任
 周防權介、父弘世授從五位上、大内家譜元弘建
 武間乘亂攻取周防長門之地、以勤王師、正
 平十九年叛降足利義詮、因授二國守護、太平
 記後加授石見守護、大内家譜長門前守護厚東
 駿河守恨失封、與菊池武光攻弘世、弘世聞
 之、襲擊武光於豐後、大敗、偽降得免、而還不
 顯言其狀、多齎金帛赴京師、賂義詮、左右盛
 得聲譽、太平記義弘驍勇絕倫、好和歌、文祿清談年

十六、與今川貞世略筑紫、前後二十餘戰、遂
 平鎮西、應永記為左京權大夫、敘從四位上、襲
 守護、足利義滿加授豐前守護、大内家譜及山名
 氏清叛、義滿、義弘與氏清驍將小林某戰於
 四條大宮、斬之、義滿褒賞、授以和泉紀伊守
 護、既而山名義理在紀伊、義滿命義弘擊之、
 義理不戰而遁、明德記時官軍日衰、境土縮削、
 勢不能支、明年義弘詣吉野行宮、議講和、議
 成、神器入京、皇統歸一、義弘與有力焉、應永

四年義滿命義弘赴西海與少貳菊池等族

戰克之

應永

後薙髮號有繫

喜連

川糸圖

佛

實雄彊富盛冠於天下時三管領頗張威福

忌義弘功義弘亦恃功驕驚不為之屈由是

義弘所為三管領每沮激之

文祿

清談及義滿營

居于北山使諸將助作且令曰使士卒充役

義弘曰我卒可役于弓矢不可役于土木義

滿雖不之罪而大恚之義弘亦不自安

卧雲

錄潛通謀足利氏滿欲東西稱兵刻期入京

其意蓋在劫義滿除三管領也六年義弘至

界浦遣使報義滿尊道法親王以義滿意遣

使召之不往義滿又遣僧中津諭之義弘乃

與眾議所以答之子弘茂

弘茂據一本大內系圖

進曰

大人身有六國亦已榮矣今將軍遣使諭大

人其意甚厚宜改圖奉命平井備前亦諫之

杉豐後曰大計既立豈可中止乎義弘然之

乃見中津曰臣嘗助今川豫州航海殄敵而


九州平矣氏清之亂臣斃其驍將折其凶鋒

而賊黨敗矣、劍璽天朝寶器、非秦璽之可比、臣倡和議、還之京師、而南北一矣、此皆臣之功也、然將軍嚮命臣伐少貳、陰令彼圖臣、臣果何罪、今聞將軍將奪臣封國和泉紀伊、臣又何罪、且召臣至京、此欲誅臣也、中津曰、將軍豈令少貳謀君乎、至於奪兩國特巷議耳、果何所徵、君之功高矣、宜以遜退保之、義弘曰、師勿言、已與鎌倉殿約、將問罪於營中、待來月二日入見將軍、乃振衣而起、中津還報、

於是義滿遣細川賴之畠山滿家等擊之、義弘聞義滿出陣東寺、乃至石津、北向一拜還界浦、多設樓櫓、為守禦備、應永一日禱於住吉社、巫俄發狂騰跳曰、義弘之計、猶雪著爐、義弘笑曰、我以寡破眾、猶雪滅火、文祿諸軍來攻、義弘出戰、殺傷無算、至夜半罷、既而諸軍又圍界浦、縱火上風、風烈火熾、城兵多死、義弘乃馳赴敵、縱橫衝突、所向摧靡、欲遇滿家決、滿家兵圍之、從兵悉死、義弘身被

重創不能復鬪大呼曰身是無雙驍將大内
義弘也攜我首去示之將軍遂為滿家所殺
弘茂將自殺平井備前止之使降乃以兵三
百降應永子孫世領數州雄於西土大内家譜
荻野朝忠稱彦六丹波人也後醍醐帝在船
上朝忠與族人集眾勤王從左近衛中將源
忠顯攻六波羅不利朝忠與安達祐秀兒島
高德等招集敗卒三千餘人還丹波據高山
寺城未幾足利尊氏舉義篠村朝忠不欲屬

之別與高德等由若狹進入京師及尊氏反
朝忠與以下長澤波波伯部族推仁木賴章
為將以應之尋以事怨望尊氏興國六年兒
島高德奉新田義治起兵竊遣使說朝忠朝
忠從之又據高山寺城謀刻日同舉事尊氏
聞之使山名時氏攻之時氏為長圍絕糧道
朝忠不能保遂出降太平記為丹波守護園太
任尾張守正平三年從高師直戰於四條畷
諸異本七年春國人舉兵攻朝忠朝忠敗走
太平記



園太 後不知所終

元平三年高僧直淨禪師白鳥
 元平四年高僧直淨禪師白鳥
 元平五年高僧直淨禪師白鳥
 元平六年高僧直淨禪師白鳥
 元平七年高僧直淨禪師白鳥
 元平八年高僧直淨禪師白鳥
 元平九年高僧直淨禪師白鳥
 元平十年高僧直淨禪師白鳥
 元平十一年高僧直淨禪師白鳥
 元平十二年高僧直淨禪師白鳥
 元平十三年高僧直淨禪師白鳥
 元平十四年高僧直淨禪師白鳥
 元平十五年高僧直淨禪師白鳥
 元平十六年高僧直淨禪師白鳥
 元平十七年高僧直淨禪師白鳥
 元平十八年高僧直淨禪師白鳥
 元平十九年高僧直淨禪師白鳥
 元平二十年高僧直淨禪師白鳥
 元平二十一年高僧直淨禪師白鳥
 元平二十二年高僧直淨禪師白鳥
 元平二十三年高僧直淨禪師白鳥
 元平二十四年高僧直淨禪師白鳥
 元平二十五年高僧直淨禪師白鳥
 元平二十六年高僧直淨禪師白鳥
 元平二十七年高僧直淨禪師白鳥
 元平二十八年高僧直淨禪師白鳥
 元平二十九年高僧直淨禪師白鳥
 元平三十年高僧直淨禪師白鳥

大日本史卷之二百一十二終

